



Біздің елімізде бұл мереке – бүкіл Қазақстан халқының ұлтаралық келісімі, оның бейбітшілік пен тыныштықта өмір сүруге ұмтылысын, еліміздің лайықты болашағына қол жеткізу үшін шығармашылық міндеттерді бірлесіп шешуге ынтыласын көрсететін терең мәнге толы. Ортақ және берекелі шаңырақтың астында өмір сүріп, түрлі ұлт өкілдерін біріктіретін халқымыздың ортақ тағдыры, ортақ ойлары және ортақ мақсаттары бар.

Бұл Қазақстанды әрбір этностың өзінің бірегей мәдениетін, әдет-ғұрпы мен дәстүрін сақтауы және дамытуы үшін барлық қолайлы жағдайлар жасаған үлкен және ұйымшыл отбасы етеді. Ұлттық бастауларға деген терең құрмет – табиғи даналықтан, толеранттылық пен мәдениеттен, байырғы халықтың жазық даладай кең жан-дүниесінен және оның ең жақсы қасиеттерінен бастау алып, қоғамды қалыптастыратын және 30 жыл бойы бірге тұрақты, болашаққа ұмтылған, жаңа әрі күшті Қазақстанның берік іргетасы болып табылады.

Қазір біз өтіп жатқан жол күрделі және ауыр сынақтардан тұрады. Бәрі қалағанымыздай жеңіл бола бермейді. Бірақ осы жағдайлар мен күтпеген қауіп-қатерлерге қарамастан, біз оларды халқымызға тән шыдамдылық, бірлікпен жеңетінімізге күмәнім жоқ.

Біз еңбексүйгіштік, жігерлік, белсенділік және ұйымшылдық танытып, өзіміздің жауапты міндеттерімізді орындай отырып, бір жағадан бас, бір жеңнен қол шығарып, өзара құрмет пен рухани жылулық, түсіністік, әділеттілік пен сенім орнаған дені сау және мықты отбасы ретінде, үйлесе алға жылжымыз. Бұл бүгінгі таңда маңызды және ерекше мәнге ие болатын қарапайым шындық.

Құрметті әріптестер, барлық бастамаларыңызға табыс, ізгі үміттер мен жақсы көңіл-күй тілеймін! 1 Мамыр мерекесі әр үйге бейбітшілік, денсаулық, бақыт пен береке әкелсін!

Сәкен АБДОЛЛА,
Қазақстан Республикасы
Судьялар одағының
төрағасы



БҮГІНГІНІҢ БАС ТАҚЫРЫБЫ


БЕРЕКЕ БАСТАУЫ – БІРЛІК



«Береке бастауы – бірлік, ел іші – тату тірлік» қағидасын ұстанған елімізде 1 мамырда атап өтілетін Қазақстан халқының бірлігі күні мейрамының орны ерекше. Ынтымақ пен бірлікті паш ететін бұл атаулы күн 1995 жылдың 18 қазанында Қазақстан Президентінің Жарлығы бойынша жарияланып, 1996 жылдан бастап тойланып келеді.

(Соңы 3-бетте)

КОКЕЙКЕСТІ



ИНТЕРНЕТТЕГІ АЛАЯҚТАР

Әлеуметтік желідегі сауда-саттықтың қыр-сырын меңгерген алаяқтар қара базардағы әккі алыпсатарлардан асып түсті. Арзан баға мен тегін жеткізу қызметін ұсынушылар күн сайын әлеуметтік желідегі жеке парақшамызға жазылып, түрлі науқан мен жеңілдіктер туралы жарнамасымен қызықтырып қояды. Әрине, ұтымды ұсыныс, қолжетімді баға көпшіліктің көңілінен шығады. Ондайда арзанның құны татымайтын елей бермейміз.

(Соңы 2-бетте)

ІШКІ ІСТЕР МИНИСТРІНІҢ НАЗАРЫНА!

АПАТҚА КІНӘЛІЛЕР АНЫҚТАЛҒАН ЖОҚ

ТӨМІР ЖОЛЫНЫҢ ТАҚТАЙДАЙ ТЕГІС ЕМЕСТІГІ БАҒЗЫДАН БЕЛГІЛІ ҒОЙ. МЫНА ӨМІРДЕ КЕЗДЕСІП ҚАЛАТЫН ІРІЛІ-ҰСАҚТЫ ОҚИҒАНЫ СОҒАН СЫЙҒЫЗЫП ҚОЯ САЛАТЫНЫМЫЗ ТАҒЫ БАР. ОСЫНДАЙДАН ҚАНШАМА ЖАН ЖАПА ШЕГІП, ОЛАРҒА ЗӘБІР КӨРСЕТКЕН ҚЫЛМЫСКЕР ЖАЗАСЫЗ ЖҮР...

Өз басымнан өткен жағдайды баяндай кетейін. 2019 жылдың 20 қаңтарында кешкі сағат 20:00 шамасында облыс орталығындағы Шевченко көшесінің бойында тұрған 2 адамды көлік қағып, екеуін де ауыр халде тастап, қашып кетеді. Сол екеудің бірі менің балам Нұрбол Абназаров еді. Үлкен ұлыма хабар ертерек тигенмен, денсаулығымды ойлап маған айппапты. Нұрболымның қалалық аурухананың жансақтау бөліміне түскенін ертесі білдім. Барсам, балам ес-түссіз жатыр екен, сыртынан ғана көрдім. Дәрігерлер де ештеңе айта қоймады. Баламның жағдайы ауыр екендігі жай көзге де көрініп тұр. Тек бар білгеніміз, Нұрболдың қазіргі жағдайы отаны көтермейтіндігі. Дәрігерлер баламның беті бері қараса, отаға кірсетінін айтып

жұбатты. Ама! не, Нұрболым сол жатқаннан есін жимастан үзіліп кетті.

Баламды жер қойнына тапсырған соң, мәселенің мән-жайын білмекке полиция департаментіне хабарластық. Жол-көлік оқиғасы болған жерге қалалық ішкі істер басқармасы қызметкерлері барыпты. Ешқандай дәлелдеме таппай тек, «екі адамды маркасы белгісіз көлік қақты» деген ұйғарым жасап қайтқан көрінеді. Адам өліміне соқтырған оқиғаны жасаған «Лада Приора», «Ауди 80» немесе «Фольксваген» автокөлігі деп болжам жасапты.

Артынша баламды көлік қаққан жерге өзім де бардым. Сол маңды байқап жүргенімде жақын маңдағы үйлердің бірінен шыққан әйел менің зардап шеккен жанымның әкесі екенімді білгесін қо-

лыма жаңа ұялы телефон салынған пакет ұстатты. Сөйтсем, балам оны соның алдында ғана сатып алған екен. Оқиғадан кейін жол жиегінде жатыпты. Полицейлердің осыны аңғармағанына қайран қалдым.

Жол-көлік оқиғасы болған жер қуыс-қалтарысы көп, Батыс мөлтекауданындағы көпір арқылы сыртыққа да шығып кетуге қолайлы аумақ. Оқиға болған жерден Мерей, Батыс мөлтекаудандары арқылы қала сыртына қарай 4 көше өтеді, оларды 8 көше қиып жатыр. Осы ауданда 3 мектеп бар. Егер полиция қызметкерлері көшелерді жауып, сабақтан қайтқан оқушылардан сұрау алып, тиісті деректерді дер кезінде жинастырғанда қылмыс істеген көлік алысқа ұзamas еді.

Баламды қаққан көліктің бақылау камерасына дұрыс түспегені де көңілімдегі күдікті қоюлатып отыр. Кейін есімізді жиып, сол аудандағы бейнекамераларды қарадық. Бірақ кеш қалыппыз, оқиға болған күні түсірілген таспалар уақыты өткендіктен өшіріліп кетіпті.

(Соңы 4-бетте)

ЖАСӨСПІРІМДЕР АРАСЫНДАҒЫ ҚЫЛМЫСТЫ АЗАЙТУДЫҢ ЖОЛЫ ҚАЙСЫ?

Гүлнар САҒЫНБЕКОВА, Алматы қаласы мамандандырылған ауданаралық экономикалық сотының судьясы:

– Қазіргі таңда бұл тақырып күн тәртібінде тұрған өзекті мәселелердің бірі. Жасөспірімдер арасындағы қылмыстың көбеюіне не себеп? Шындығында, себеп көп. Біріншісі – қоғамдық жағдайлардан туындауы мүмкін. Яғни, бұл топтағы жастардың араласатын ортасының дұрыс болмауы, еліктеушілік, тіпті, жұмыссыздық та әсер етеді. Екіншісі – әлеуметтік себеп-салдар. Атап айтсақ, отбасындағы тәрбиенің дұрыс болмауы, ата-ана тарапынан бақылаусыз қалуы, ата-аналарының ішімдікке салынуы, отбасындағы материалдық әл-ауқаттың төмендігі. Үшіншісі, тәрбиелік жұмыстардың әлсіздігі.

Жасөспірімдер арасындағы қылмыс соңғы уақытта жиілеп кетті. Оған не себеп? Кәметке толмағандармен жасалатын құқықбұзушылықты қалай азайтамыз?

Ақнұр ТӘУЕКЕЛ, психолог:

– Жасөспірім кезең – балалық шақтан ересектікке өтетін, үнемі қиын, критикалық қақтығыспен сипатталатын адам онтогенезінің күрделі уақыты. Баланың әрбір даму сатысында, олардың психикалық қасиеттері, тұлғалық және мінездегі ерекшеліктері қалыптасып, дамып отырады. Бала даму барысында әлеуметтік ортаға бейімделуі немесе керісінше бейімделмей, жатсынып кетуі немесе ойламаған іс-әрекеттер жасап, күтпеген шешімдер қабылдауы мүмкін. Осындай кезеңде балаға ата-ананың қолдауы қажет. Сол себепті жасөспірімнің тұлға ретінде дамуына, қоғамда жүруіне – отбасындағы психологиялық жағдай және атмосфераның әсері үлкен. Мәселен, ажырасқан отбасылардағы жаңұя мүшелерінің бір-бірімен дұрыс қарым-қатынаста болмауы жасөспірімді қылмыс жолына итермелейді.

(Соңы 3-бетте)

